

# UMP memasyarakatkan teknologi

SINAR HARIAN CENTRAL M/S 42 21/2/2016

Tumpu lima lonjakan strategik demi pencapaian gemilang institusi pengajian tinggi itu

■ DIANA SURYA ABD WAHAB

KUANTAN – Kewujudan Universiti Malaysia Pahang (UMP) di Mukim Kuala Pahang, Pekan merupakan satu mercu tanda bagi sebuah kejayaan tidak ternilai dalam memperkuatkuh kewujudan sebuah gedung pendidikan yang boleh memberi manfaat kepada masyarakat setempat.

Naib Canselor UMP, Profesor Datuk Dr Daing Nasir Ibrahim berkata, sejak 14 tahun penubuhannya, UMP sentiasa memperkasaan bidang pendidikan, penyelidikan dan perkhidmatan yang bertaraf dunia dalam ekosistem kejuruteraan dan teknologi lebih kreatif serta inovatif.

"UMP merupakan wawasan jauh Perdana Menteri Malaysia, Datuk Seri Najib Tun Razak yang juga pengasas universiti ini ketika menjawat jawatan Menteri Pendidikan, sekitar 24 Februari 1998.

"Kini ia menjadi kenyataan apabila tertubuhnya UMP yang dahulunya hanya dikenali Kolej Universiti Kejuruteraan dan Teknologi Malaysia (Kuktem), secara rasmi pada 16 Februari 2002.

"Sehubungan itu, melalui Pelan Strategik UMP 2016-2020 yang bahan dilancarkan sempena menyambut ulang tahun penubuhannya ke-14, ia akan menumpukan lima lonjakan strategik iaitu Keunggulan Akademik, Kelestarian Kewangan, Kelestarian Penyelidikan dan Inovasi, Kemampunan Sosio-Ekonomi dan

Persekutuan serta Keunggulan Jenama UMP dalam usaha melonjakkan pencapaian universiti ini untuk terus gemilang pada masa depan," katanya dalam satu kenyataan di sini, semalam.

Perasmian kampus utama UMP akan dirasmikan Najib hari ini, dengan penamaan Kompleks

Pentadbiran Utama sebagai Canseleri Tun Abdul Razak.

Ia sebagai tanda ingatan dalam mengenang jasa ayahandanya, Tun Abdul Razak Hussein yang banyak menyumbang jasa kepada pembangunan negara sekali gus mengharapkan warga universiti beraspirasasi serta menjiwai semangat juang Bapa Pembangunan ini.

Dalam pada itu, Dr Daing berkata, UMP terus berusaha memastikan universiti berperanan menzahirkan graduan holistik dan relevan dengan keperluan masyarakat serta membudayakan teknologi dan keusahawanan melalui ekosistem universiti dinamik.

"Melalui penghasilan penyelidikan, ia haruslah berteraskan

teknologi demi memastikan kelestarian bakat dapat memanfaatkan komuniti setempat dan persekitarannya.

"Selain itu, dalam melestarikan kewangan universiti pula, usaha lain akan diteruskan terhadap penjanjian pendapatan dengan meningkatkan pelaburan serta mewujudkan persekitaran yang dapat menyokong terhadap kelestarian universiti," katanya.

Menurutnya, setakat ini pengantarabangsaan UMP dalam membina jaringan kerjasama akademik yang kukuh dengan Republik Persekutuan Jerman berjaya melahirkan graduan berdaya saing.

"Dengan itu, satu model kerjasama akademik bagi program dwi ijazah Kejuruteraan Mekatronik dan Kejuruteraan Automotif dengan Karlsruhe

University of Applied Sciences (HsKA) serta program dwi ijazah Kejuruteraan Perniagaan dengan Reutlingen University di Jerman dilihat sebagai contoh menjadikan universiti ini terkenal dengan program Kejuruteraan Jerman yang dilaksanakan.

"Hingga setakat ini, usaha tersebut menampakkan hasil positif bukan sahaja kepada pihak universiti, malah pelajar kursus tersebut," katanya.

Sempena perasmian itu, UMP mengadakan Pameran Legasi Kepimpinan Tun Abdul Razak dan Najib Tun Razak serta hasil penyelidikan inovasi pelajaran di kampus utama.



UMP di Mukim Kuala Pahang, Pekan merupakan gedung pendidikan yang boleh memberi manfaat kepada masyarakat setempat.



Perasmian kampus utama UMP akan disempurnakan oleh Perdana Menteri, Datuk Seri Najib Tun Razak, hari ini.



DR DAING NASIR